

Euskaltzaindiaren Mintzola deialdia (2023)

euskaraz egiten den ahozko jardunari buruzko
ikerketa-lanak saritzeko

DEIALDIAREN XEDEA

Euskaraz egiten den ahozko jardunari (euskarazko hizkerari) buruzko ikerketa zientifikoa bultzatzeko xedea du Euskaltzaindiak, Mintzola egitasmoaren bidez, Gipuzkoako Foru Aldundiaren eta Eusko Jaurlaritzaren arteko lankidetzagiroaren testuinguruan.

Eguneroko hizkeraren antolaketa formal maila txikienetik hasita, formaltasun mailan gora doazke hizkera antolatua (hitzaldiak, klaseak, albistegiak...), eta ahozko jardun eraikiaren adar berezi bat osatzen dute kulturgintza-adierazpideak osatzen dituzten ahozko tradizioak.

Euskaltzaindiak erabaki du eguneroko hizkeraren galdegaiak erdigunean jartzea, ahozkotasunari helduta, maila desberdineko ikerketa jardunak sortuz. Batetik, **abiapuntuko ikerketak**: objektua bera kokatzea, eguneroko hizkeraren ezaugarriak aletzea, euskal komunitateak arlo horretan duen egoera diagnostikatzea. Beste batzuk, **ikerketa aplikatuagoak**: eguneroko hizkeraren hobekuntzan eragiteko tresnak hezkuntzan, hedabideetan eta bestelako bideetan.

Ikertzaile gaztea edo hasiberria doktoretza-tesiraino eramango duen ibilbidean, aurreko erabakiak eta urratsak ere garrantzitsuak dira, eta hain zuzen bide horretan laguntzea eta, unibertsitateko edozein jakintza-alorretatik abiatuta, ondorengo zazpi eremuak oinarrian direla, **euskaraz egiten den ahozko jarduna** ikergai gisa sustatzea da deialdi honen helburua. Ikergaiak:

1. Eguneroko hizkera informalaren ezaugarriak eta beronen egoera euskal komunitatean. Oinarriak, corpusa eta diagnostikoa.
2. Euskalkiak eta estandarra ahozko hizkeraren funtzioetan: praktiken azterketa eta jarraibide batzuk sortzeko oinarriak.
3. Eguneroko hizkerarako adierazkortasun baliabideak hezkuntza arautuan lantzeko bideak eta formulak.
4. Aisialdi antolatuan eta hezkuntza ez-arautuan adierazkortasun baliabideak lantzeko bideak eta formulak.



EUSKALTZAINDIA
REAL ACADEMIA DE LA LENGUA VASCA
ACADEMIE DE LA LANGUE BASQUE



5. Eguneroko hizkerarako adierazkortasun baliabideak hedabideetatik eta ingurune digitaletatik sustatzeko bideak eta formulak.
6. Eguneroko hizkerarako adierazkortasun baliabideak lantzeko bestelako bideak.
7. Hitanoa lantzeko eta hedatzeko bideak eta formulak.

Zazpi eremu horiek lehentasunezkatzat definitu ditu Euskaltzaindiak, baina, oro har, euskaraz egiten den ahozko jardunari buruzko ikerketa lanak ere saritu ahal izango dira.

Lehenengo urratsen garrantziaz oharturik, hain justu ikerlan-proiektuen kalitatea ebaluatu eta sarituko da deialdi honetan, sinesten dugulako unibertsitate-irakasle batek bermaturiko proiektuak kalitate ona duenean ikertzaile hasiberriaren oinarriak sendoak izango direla.

Deialdi honetan, ikerketa-lan monografikoen proiektuak onartuko dira, geroko tesiak bultzatzeko helburuz. Nolanahi ere, unibertsitate-irakasle doktore batek bermatu behar du proiektua.

PROZEDURA

- 2023an, **3.000 euro gordineko hiru dirulaguntza** esleituko dira.
- Soilik argitaratu gabeko lanak eta izaera propioa dutenak finantzatu ahal izango dira.
- Lanak banaka edo talde txikitik aurkeztu daitezke.
- Dirulaguntza jasotzeko, ezinbestekoa da unibertsitate-ikasketetan tituluduna izatea (baldintza hori egiaztatatu beharko da diru-laguntza kobratzeko unean).
- Aritu edota doktorez osaturiko hautaketa-batzordeak balioetsiko ditu aurkezturiko curriculumak eta ikerketa-proiektuak. Baremoak zehaztu ondoren, puntu gehien duenetik gutxienekora doan zerrenda egingo du. Puntuazio handiena lortu eta dirulaguntza eskuratzea merezi duten hautagaien izenak proposatuko ditu, bai eta horren ordezkoen izenak, uko egiteak edo beste edozein gertaera konpontzeko. Batzordeak nahi duen guztiei edo batzuei elkarrizketa pertsonalak egiteko proposatu ahalko die.
- Batzordeak laguntzak eskuratu nahi dituzten eskatzaileen soslaiak edo proiektuak askietsi ezean, 2023an dirulaguntzarik ez ematea delibera dezake.
- Proiektuaren arabera eginiko ikerketa-lana ezarritako epea baino lehen entregatu beharko da eta batzorde zientifiko batek onzat eman beharko du.
- Saritutako proiektuei dagokien ikerketa lanak gauzatutakoan, Euskaltzaindiak ikerketa lan horiek argitaratzeko eskubidea edukiko du, idazlanaren pasarte bat izan edo idazlan osoa izan.



EUSKALTZAINDIA
REAL ACADEMIA DE LA LENGUA VASCA
ACADEMIE DE LA LANGUE BASQUE



- Deialdi honetara aurkeztutako lanak Azkue Biblioteka eta Artxiboan gordeko dira. Aldiz, lanak argitaratu gabeak diren artean, haiek kontsultatu ahal izateko lan bakoitzaren egilearen baimena beharko da.
- Egitasmo sarituaren egileak lanari buruzko artikulu bat (gutxienez 30.000 eta gehienez 60.000 karaktere) Euskaltzaindiaren *Euskera* agerkari ofizialean idazteko konpromisoa hartuko du.
- Diru-laguntza jasotzeak, prestakuntzako helburuz egiten denez, ez du inolako kontratu edo estatutupeko harremanik sortzen Euskaltzaindiarekin.
- Deialdira proiektu bat aurkeztea aski da, proiektuaren egileak deialdiaren prozedurari dagozkion puntu guztiak onartzen dituela baieztatzeko.
- Datu Pertsonalak Babesteko Arautegia –Europako Parlamentuaren eta Kontseiluaren 2016/679 (EB) Erregelamendua, 2016ko apirilaren 27koa– betez, datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituen (‘‘DBEO’’) eta Datu Pertsonalak Babesteko eta Eskubide Digitalak Bermatzeko 3/2018 Lege Organikoa (‘‘DPBEDBLO’’) aipamen berezia eginez, deialdia honetara aurkezten diren pertsonen datuak Euskaltzaindiaren tratamendu-sistemetan jasoko dira, bera baita tratamenduaren erantzulea.

ESKAERAK

- Eskakerak eta behean ageri den dokumentazio guztia PDF formatuan eta e-postaz bidali behar da ondoko helbide elektronikora: mintzola@euskaltzaindia.eus.

Eskakerak deialdi honekin batera doan eskaera-inprimakia betez aurkeztuko dira.

Eskakerekin batera, honako dokumentu hauek aurkeztu behar dira:

- a) NANaren fotokopia.
- b) Deialdi honekin batera doan eskaera-inprimakia.
- c) Eskatzailearen CVa eta merezimenduen egiaztagiriak.
- d) Titulu eta ziurtagiri akademiko pertsonala, irakasgai guztien kalifikazioak eta deialdiak adierazita.
- e) Unibertsitate-irakasle doktore baten berme-txostena, ikerketa-lanaren zuzendari izango dela esanez.
- f) Ikerketa-proiektuan ezinbestean agertu behar dira helburuak, esparru teorikoa, aurrekariak eta metodologia (1.500-5.000 hitz).

EBALUAZIO-IRIZPIDEAK

Proposamenak honako irizpide hauei jarraituz ebaluatuko dira:

- Proiektuaren helburuak eta interesa.



EUSKALTZAINDIA
REAL ACADEMIA DE LA LENGUA VASCA
ACADÉMIE DE LA LANGUE BASQUE



- Proiektuaren ebaluazio orokorra: esparru teorikoa, aurrekariak eta metodologia.
- Proiektuaren hurbilpen maila lehenetsitako zazpi eremuetara.
- Proiektuaren garapen-maila.
- Proiektuaren bideragarritasuna.
- Eskatzailearen espedientea: CVa eta espediente akademikoa.
- Euskarazko proiektuak lehenetsiko dira.

DATAK ETA INFORMAZIOA

- Eskakerak eta lanen egitasmoak aurkezteko epea: **2023ko apirilaren 30era arte.**
- Hautatuen izenak eta ordezkoen zerrenda argitaratzeko eguna: 2023ko ekainaren 15a, beranduenez.
- Proiektuaren araberrako ikerketa-lana eginda entregatzeko mugaeguna: **2024ko otsailaren 29a.**
- Ordainketak: sarituen zerrendak argitaratutakoan, eta betiere, 2023ko ekainaren 30 baino lehen.
- Euskaltzaindiaren atarian (www.euskaltzaindia.eus/mintzola) argitaratuko da deialdiari buruzko informazioa zein deialdiaren urratsen berri.
- Deialdiaren inguruko alderdiei buruzko galderak honako helbide elektroniko honetara bidali behar dira: mintzola@euskaltzaindia.eus.